

一 建造鐵路開採鑛產等費

約計二十七兆兩

一 各國使館領署駐華用費

約計五百萬兩

一 外國駐華陸兵用費

約計七百五十萬兩

一 外國兵船及水手在華用費

約計十五兆兩

一 外國商船及水手在華用費

約計二百萬兩

一 洋船在上海及他口修理等費

約計十兆兩

一 在華所設外國教堂醫院學堂等費

約計六百萬兩

一 洋人到華遊歷等費

約計六百萬兩

一 留寓外洋華人匯回款項以及帶回現銀

約計七十三兆兩

以上入款共計關平銀四百二十兆五十萬兩

光緒三十一年二月二十二日三品銜三等第一寶星通商海關造冊處稅務司馬士譯呈

直隸總督袁山東巡撫胡會奏濟南城外自開商埠先擬開辦章程摺

竊照山東濟南城外暨附近濰縣周村兩處前經臣世凱會同正任撫臣周馥奏請自開商埠並陳明應辦事宜俟議准後再由臣等飭議章程奏咨開辦等因欽奉 硃批外務部議

商務

六十五

乙巳

商務

六十六

七月

奏欽此旋准部咨以濟南城外既爲膠濟津鎮兩鐵路交接之區地勢扼要商貨轉運自屬便利所請自開通商口岸核與成案相符其濰縣周村均爲膠濟鐵路必經之道應一併開通商埠議復照准奉旨依議欽此欽遵咨行前來伏查濟南等處自開商埠與約開各埠不同且爲陸路通衢亦與江海口岸有別經臣世凱與正任撫臣周馥及臣廷幹先後往復籌商擬就濟南西關外膠濟鐵路迤南東起十王殿西至北大槐樹南沿長清大道北以鐵路爲限計東西不足五里南北約可二里共地四千餘畝作爲華洋公共通商之埠准有約各國在該處設立照料商務之官員准各國商民任便往來租地設棧與華商一體居住貿易其商埠定界以外所有城廂附近各處仍照內地章程不准洋商租賃房屋開設棧至商埠界內應設之工程巡警暨審理詞訟等事本係地方應有之責擬均歸濟東泰武臨道就近監督開埠之始首重招徠議將稅關暫緩設立所需各項經費先由華官自行籌備應抽之房舖車輛等捐查看情形照各埠通例依次舉辦現就濟南省城設立商埠總局遴員分別經理臣等公同商酌謹先擬濟南商埠開辦章程九條繕具清單恭呈御覽至章程內應辦各事仍須酌訂詳細專章俾資遵守其濰縣周村兩處開設分埠擬定參仿濟南章程辦理謹奏

謹擬濟南城外商埠開辦章程繕具清單恭呈 御覽 計開 一定界查濟南城外商埠必須劃定一區以免牽連內地現擬在西關膠濟鐵路迤南東起十王殿西至北大槐樹南沿長清大道北以鐵路爲限計東西不足五里南北約可二里共地四千餘畝作爲華洋公共通商之埠准有約各國在該處設立照料商務之官員准各國商民任便往來租地設棧與華商一體居住貿易其商埠定界以外所有城廂內外以及附近各處仍照內地章程洋商不得租賃房屋開設行棧 二租地商埠界址既定所有界內之地凡官地民地應先查勘丈明劃分段酌定價目等第其民房田畝俟用時由官購買轉租中外商民管業以免彼此居奇抑勒之弊一面出示地主租戶不得私相授受凡租戶擬租何地須先照章赴工程局掛號庶分先後而杜爭端 租地詳細章程另訂 三設官商埠既開招徠宜廣中外雜處交涉必繁須有專官主持其事擬由濟東泰武臨道就近監督所有商埠應辦之事約分三項一爲工程局專管築路建廠及一切修造之事一爲巡警局專司巡查街道並稽查偷漏等事 詳細章程另訂 一爲發審局專理中外一切詞訟之事應均歸濟東泰武臨道派委員司分別辦理惟埠務繁雜擬再派一熟諳交涉大員住局會辦亦可由北洋大臣山東巡撫酌派洋員幫同經理 四建造查商埠內築馬路修溝渠建衙署設押所立市場開井泉種樹木均須

商務

六十七

乙巳

次第籌辦房屋先求整潔道路必須坦平擬先將界內地址分別測定陸續籌款分極次要又次要次第興辦 五稅捐濟南城外爲陸路商埠與各口岸情形不同設立稅關章程俟日後察看情形隨時酌量訂辦所有馬路巡捕路燈洒掃需用各項經費先由華官自行籌備應抽之房舖大小車輛各項之捐查看情形照各埠通例依次抽收屆時華洋各商一體遵照 六經費商埠甫開諸務俱與大宗用款約分二項一開辦經費如購置地畝舉辦工程約略計之爲數甚巨一常年經費商埠辦事人員薪公差巡工食及一切因公雜項均應先行 奏撥專款隨時撙節動支 七禁令商埠界內不准搭蓋草房暨存儲火藥炸藥無故施放大小洋槍非在官弁兵身帶利器及一切與衆人衛生有礙等事違則各照本國律例懲辦惟設有工程須用炸藥等物先須由官核准仍不得久存在埠 八郵電商埠既關信息必須靈通郵政電報電話均是中國主權應一併設立併嚴立限制不得由外人開設 九分埠查濰縣周村兩處已奏明俱作通商分埠一切章程參仿濟南城外商埠辦理以上九條僅具大綱所有章程內應辦各事當分定詳細章程以便遵守此外未盡事宜及應因地制宜之處隨時續議辦理

再山東地當衝要鐵路交錯鑛務繁興交涉之難幾百倍於往昔茲值濟南暨濰縣周村三

處新開商埠建置一切輒需巨款而本省庫儲奇絀經費無從籌措然事務繁要動關大局又未能因經費難籌遂使耽延貽誤查膠海關洋稅近年收數日增現由稅務司存儲青島德商銀行擬請將歷年徵存稅項除前經正任撫臣周馥奏借十七萬作堵口經費外所餘銀兩先即提撥五成作為山東辦理洋務暨開埠經費嗣後該關每年所徵洋稅除開支本關經費外應由膠海關稅務司將實存銀兩按結提撥五成解交膠州直隸州知州轉解山東洋務商埠總局以濟要需合無籲懇 天恩請 旨敕下外務部轉飭總稅務司遵照辦理謹 奏

署兩江總督周奏金陵關商務漸興亟應勘定租界撥款修築以安遠商而便治理摺竊查金陵設關通商始於光緒二十五年曾經前督臣飭行司道籌議擇於儀鳳門外下關地方量闢租界惟彼時商務尚未大興各國亦未派有領事前來駐紮遂爾因循至今未辦近年商務日闢英美德日各國均已派有駐甯領事甯滬鐵路接通以後貿易必更繁盛而各國洋商以租界未定道路未修多欲在城內購地租屋開設行棧雖屢經照約駁阻然不早為之所亦令人無所適從且城內非通商之地市肆囂塵諸多不便更恐啓內地雜居之漸於地方治理亦大有關礙臣到任後督同司道親往原定之下關江岸詳加勘度計長五